

ҮЙЛЧЛҮҮЛЭГЧИД БА ЭРҮҮЛ МЭНДИЙН АЖИЛЧДАД ЗОРИУЛСАН КОРОНАВИРУС 2019 (КОВИД-19) ӨВЧНӨӨС УРЬДЧИЛАН СЭРГИЙЛЭХ ЗОРИЛГООР ЯАРАЛТАЙ ХЭРЭГЛЭХ ЗӨВШӨӨРӨЛТЭЙ (ЯХЗ) МОДЕРНА КОВИД-19, БИВАЛЕНТ ВАКЦИНЫ ТУХАЙ МЭДЭЭЛЛИЙН ХУУДАС

Та болон таны хүүхдэд SARS-CoV-2 коронавирусаар халдварладаг коронавирус 2019 (КОВИД-19) өвчнөөс урьдчилан сэргийлэх зорилгоор Модерна КОВИД-19, Бивалент вакциныг санал болгож байна. Энэхүү мэдээллийн хуудас нь танд өнөөгийн КОВИД-19 цар тахлын улмаас та болон таны хүүхдэд хийх Модерна КОВИД-19, Бивалент вакцины эрсдэл, давуу талуудыг ойлгоход туслах мэдээллийг агуулна. Хэрвээ танд асуулт байвал вакцин нийлүүлэгчдээ хандана уу.

Энэхүү Мэдээллийн Хуудас цаашид шинэчлэгдэнэ. Хамгийн сүүлийн Мэдээллийн Хуудсыг www.modernatx.com/covid19vaccine-eua вебсайтаас үзнэ үү.

АНУ-ын Хүнс, Эмийн Захиргаанаас (FDA) Модерна КОВИД-19, Бивалент вакциныг КОВИД-19 цар тахлын үед хэрэглэх боломжтой болгохын тулд Яаралтай хэрэглэх зөвшөөрөл (ЯХЗ) олгосон (энэ бичиг баримтын төгсгөлд буй ЯХЗ-ийн талаар дэлгэрэнгүй мэдээллийг "**Яаралтай хэрэглэх зөвшөөрөл гэж юу вэ?**" хэсгээс үзнэ үү). Модерна КОВИД-19, Бивалент нь АНУ-д FDA-аас зөвшөөрөгдсөн вакцин биш юм. Модерна КОВИД-19, Бивалент вакцины тухай мэдээллийг энэхүү Мэдээллийн Хуудаснаас уншина уу.

КОВИД-19 ГЭЖ ЮУ ВЭ?

КОВИД-19 өвчин нь SARS-CoV-2 хэмээх коронавирусаас үүсдэг. Та вирус тээж буй хүнтэй ойртож харьцсанаар КОВИД-19-ийн халдвар авч болзошгүй.

Энэ бол ихэвчлэн бусад эрхтэнүүдэд нөлөөлж болзошгүй амьсгалын замын өвчин юм. КОВИД-19-ээр өвдсөн хүмүүст өргөн хүрээний шинж тэмдэгүүд илэрдэг ба дундаж зэргээс маш хүнд шинж тэмдэг илэрч, үхэлд ч хүргэж болдог. Вирусын халдвар авснаас хойш 2-оос 14 хоногийн дараа шинж тэмдэг илэрч болно. Шинж тэмдгүүд доорхийг нэгтгэнэ: халуурах; бие арзайх; ханиах; амьсгалахад хүндрэлтэй болох; ядрах; булчин ба бие өвдөх; толгой өвдөх; үнэртэх болон амтлах чадвараа алдах; хоолой хөндүүрлэх; хамар битүүрэх; нус гоожих; дотор муухайрах; бөөлжих; гүйлгэх.

МОДЕРНА КОВИД-19, БИВАЛЕНТ ВАКЦИН ГЭЖ ЮУ ВЭ?

Модерна КОВИД-19 вакцин, Бивалент нь КОВИД-19-өөс урьдчилан сэргийлэх зорилгоор 6 сар ба түүнээс дээш насны хүмүүст хэрэглэх вакцин юм. ¹FDA нь ЯХЗ-ийн дагуу Модерна КОВИД-19, Бивалент вакциныг яаралтай хэрэглэхийг зөвшөөрсөн.

Модерна КОВИД-19 вакцин, Бивалент нь хүн бүрийг хамгаалж чадахгүй байж магадгүй.

¹Модерна КОВИД-19, Бивалент вакцин нь зөвхөн анхны SARS-CoV-2 болон Омикрон BA.4/BA.5 SARS-CoV-2-ын баяжуулалтын уургийг кодолдог.

ТА БОЛОН ТАНЫ ХҮҮХЭД МОДЕРНА КОВИД-19, БИВАЛЕНТ ВАКЦИНЫГ ХИЙЛГЭХЭЭС ӨМНӨ ВАКЦИН НИЙЛҮҮЛЭГЧДЭЭ ЮУГ МЭДЭЭЛЭХ ШААРДЛАГАТАЙ ВЭ?

Та болон таны хүүхэд вакцин нийлүүлэгчдээ эрүүл мэндийн бүх нөхцөл байдлынхаа талаар доорх мэдээллийг өгөх хэрэгтэй:

- ямар нэгэн харшилтай эсэх
- өмнө нь миокардит (зүрхний булчингийн үрэвсэл) эсвэл перикардит (зүрхний гаднах бүрхүүлийн үрэвсэл) зэрэг өвчнөөр өвдөж байсан эсэх
- халуурч байгаа эсэх
- цус алдалтын эмгэгтэй эсвэл цус шингэлэгч эм хэрэглэдэг эсэх
- дархлаа суларсан эсвэл та болон таны хүүхэд дархлааны тогтолцоог өөрчлөх эм хэрэглэдэг эсэх
- жирэмсэн эсвэл жирэмслэх төлөвлөгөөтэй
- хөхүүл
- өөр ямар нэгэн КОВИД-19-ийн вакцин тариулсан
- тарилгаас шалтгаалан ухаан алдаж байсан

ВАКЦИНЫГ ЯАЖ ХИЙЛГЭХ ВЭ?

Модерна КОВИД-19, Бивалент вакциныг тариа байдлаар булчинд тарьж хэрэглэнэ.

6 сараас 5 насныханд зориулсан:

- **Вакцин хийлгээгүй хүмүүст:** Модерна КОВИД-19, Бивалент вакцины хоёр тун хийнэ. Хоёр дахь тунг эхний тунгаас 1 сарын дараа хийнэ.
- **Модерна КОВИД-19 вакцины нэг тун хийлгэсэн хүмүүст:** ²Модерна КОВИД-19, Бивалент вакцины нэг тунг Модерна КОВИД-19 вакцины тунгаас хойш 1 сарын дараа хийнэ.
- **Модерна КОВИД-19 вакцины хоёр тун хийлгэсэн хүмүүст:** Модерна КОВИД-19, Бивалент вакцины нэг тунг Модерна КОВИД-19 вакцины тунгаас хойш дор хаяж 2 сарын дараа хийнэ.

6 ба түүнээс дээш настай хүмүүст:

- **Вакцин хийлгээгүй хүмүүст:** Модерна КОВИД-19, Бивалент вакцины нэг тун.
- **Моновалент КОВИД-19 вакцины нэг ба түүнээс дээш тун тариулсан хүмүүст:** ³Модерна КОВИД-19, Бивалент вакцины нэг тунг моновалент КОВИД-19 вакцин тариулснаас хойш дор хаяж 2 сарын дараа хийнэ.
- **Бивалент КОВИД-19 вакцины нэг тун хийлгэсэн 65 ба түүнээс дээш насны хүмүүст:** Модерна КОВИД-19, Бивалент вакцины нэг тунг бивалент КОВИД-19 вакцины тунгаас хойш дор хаяж 4 сарын дараа хийж болно.

²Моновалентын вакцин болох Модерна КОВИД-19 вакцин нь зөвхөн анхны SARS-CoV-2-ын баяжуулалтын уургийг кодолдог.

³Моновалент гэдэг нь зөвхөн анхны SARS-CoV-2-ын баяжуулалтын уураг агуулсан эсвэл кодолсон КОВИД-19 вакциныг хэлнэ.

6 сар ба түүнээс дээш насны дархлаа султай хүмүүст:

- Хоёр тунг (Модерна КОВИД-19 вакцин эсвэл Модерна КОВИД-19, Бивалент вакцин) хийлгэсэн 6 сараас 5 хүртэлх насны дархлаа султай хүүхдүүдэд Модерна КОВИД-19 вакцины нэг нэмэлт тунг Модерна КОВИД-19, Бивалент вакцины сүүлийн тунг хийлгэснээс хойш дор хаяж 1 сарын дараа хийж болно. Модерна КОВИД-19, Бивалент вакцины нэмэлт тунг тухайн хүний эмнэлзүйн онцлогийг харгалзан эрүүл мэндийн үйлчилгээ үзүүлэгчийн шийдвэрийн дагуу хийж болно.
- 6 сараас 5 хүртэлх насны дархлаа султай хүүхдүүдийн хувьд Модерна КОВИД-19, Бивалент вакцины насны онцлогт тохирсон нэг нэмэлт тунг бивалент КОВИД-19 вакцины эхний тунг хийлгэснээс хойш дор хаяж 2 сарын дараа хийж болно. Модерна КОВИД-19, Бивалент вакцины насны онцлогт тохирсон нэмэлт тунг тухайн хүний эмнэлзүйн онцлогийг харгалзан эрүүл мэндийн үйлчилгээ үзүүлэгчийн шийдвэрийн дагуу хийж болно.

МОДЕРНА КОВИД-19, БИВАЛЕНТ ВАКЦИНЫГ ХЭН ХИЙЛГЭЖ БОЛОХГҮЙ ВЭ?

Аливаа хүн дараах тохиолдолд Модерна КОВИД-19, Бивалент вакцин хийлгэж болохгүй:

- ⁴Модерна КОВИД-19 вакцин, Модерна КОВИД-19, Бивалент вакцин эсвэл СПАЙКВАКС (КОВИД-19 вакцин, мРНХ) вакцины өмнөх тунг хийлгэсний дараа хүнд хэлбэрийн харшлын урвал үзүүлсэн.⁵
- эдгээр вакцины аль нэг найрлагад хүчтэй харшлын урвал үзүүлсэн.

ЭНЭ ВАКЦИНЫ НАЙРЛАГАД ЯМАР БОДИСУУД ОРСОН БЭ?

Модерна КОВИД-19, Бивалент вакцин доорх найрлагатай: мессенжер рибонуклеины хүчил (mRNA), липидүүд (SM-102, полиэтилен гликол [PEG] 2000 димиристойл глицерол [DMG], холестерин, 1,2-дистеароил-сн-глицеро-3-фосфохолин [DSPC]), трометамин, трометамин гидрохлорид, цууны хүчил, натрийн ацетат тригидрат, сахароз.

ЭНЭ ВАКЦИН ӨМНӨ НЬ ХЭРЭГЛЭГДЭЖ БАЙСАН УУ?

6 сар ба түүнээс дээш насны сая, сая хүн ЯХЗ-ийн дагуу Модерна КОВИД-19, Бивалент вакциныг (Эх хувь ба Омикрон ВА.4/ВА.5) хийлгэсэн.

6 сар ба түүнээс дээш насны сая, сая хүн ЯХЗ-ийн дагуу моновалент Модерна КОВИД-19 вакциныг хийлгэсэн. Өөр клиник судалгаанаас үзэхэд 6 сараас 5 насны 5,000 орчим, 6 сараас 11 насны 4,000, 12 болон түүнээс дээш насны 30,00 хүн Модерна КОВИД-19 вакцины багадаа 1 тунг хийлгэсэн байна.

Модерна КОВИД-19, Бивалент вакцин нь Модерна КОВИД-19 вакцинтай адил аргаар хийгдсэн боловч SARS-CoV-2 Омикрон хувилбараас үүдэлтэй КОВИД-19-өөс урьдчилан сэргийлэх Омикрон бүрэлдэхүүн хэсгийг агуулдаг.

⁴Моновалентын вакцин болох Модерна КОВИД-19 вакцин нь зөвхөн анхны SARS-CoV-2-ын баяжуулалтын

уургийг кодолдог.

⁵СПАЙКВАКС (КОВИД-19 Вакцин, мРНХ) нь ModernaTX, Inc-ийн үйлдвэрлэсэн FDA-баталгаажуулалттай КОВИД-19-ийн вакцин юм. СПАЙКВАКС нь зөвхөн анхны SARS-CoV-2-ын баяжуулалтын уургийг кодолдог.

МОДЕРНА КОВИД-19, БИВАЛЕНТ ВАКЦИНЫ АШИГ ТУС ЮУ ВЭ?

FDA нь Модерна КОВИД-19, Бивалент вакциныг КОВИД-19-өөс сэргийлэх зорилгоор хэрэглэх зөвшөөрөл олгосон.

КОВИД-19-ээс хамгаалах чадвар үргэлжлэх хугацаа тодорхой бус байна.

МОДЕРНА КОВИД-19, БИВАЛЕНТ ВАКЦИН ЯМАР ЭРСДЭЛТЭЙ ВЭ?

Вакцин нь харшлын ноцтой урвал өгөх боломжтой. Хүнд хэлбэрийн харшлын хүнд урвал нь вакцины тунг хийлгэсний дараа хэдэн минутаас нэг цагийн дотор илэрнэ. Энэ шалтгаанаар вакцины үйлчилгээ үзүүлэгч вакцин хийлгэсэний дараа та болон таны хүүхдийн биеийн байдлыг хянахаар вакцин хийлгэсэн байранд хэсэг хугацаанд байх хүсэлт тавина. Хүнд хэлбэрийн харшлын урвалын шинж тэмдэг:

- Амьсгалахад хүндрэлтэй болох
- Нүүр, хоолой хавагнах
- Зүрх хурдан цохилох
- Биеийн бүх хэсэгт тууралт гарах
- Толгой эргэх ба сульдах

Модерна КОВИД-19 вакцин, Модерна КОВИД-19, Бивалент вакцин, эсвэл СПАЙКВАКС вакцин хийлгэсэн эмэгтэйчүүд, өндөр настай эрчүүдтэй харьцуулахад 40-өөс доош насны эрчүүдэд миокардит (зүрхний булчингийн үрэвсэл) болон перикардит (зүрхний гадна талын салст бүрхэвчийн үрэвсэл) илүү их тохиолдсон. Энэ хүмүүсийн ихэнхэд нь вакцин хийлгэснээс хойш хэд хоногийн дотор дараах шинж тэмдэг илэрч эхэлсэн. Ийм тохиолдол үүсэх магадлал маш бага. Вакцин хийлгэсний дараа танд болон таны хүүхдэд дараах шинж тэмдэг илэрвэл та даруй эмнэлгийн тусламж авах хэрэгтэй:

- Цээжээр өвдөх
- Амьсгал давчдах эсвэл амьсгалахад хэцүү болох
- Зүрх хурдан, жигд бус, дэлсэх мэдрэмж төрөх

Ялангуяа таны хүүхдэд илэрч болзошгүй нэмэлт шинж тэмдгүүд:

- Ухаан алдах
- Хэвийн бус байх, байнга цухалдах
- Хоолны дуршил хэвийн бус болох, муудах
- Хэвийн бус, байнга ядрах эсвэл эрч хүчгүй болох
- Байнга бөөлжих
- Хэвлийгээр байнга өвдөх
- Хэвийн бус, байнга даарах, арьс цонхийх

Модерна КОВИД-19, Бивалент вакцин эсвэл Модерна КОВИД-19 вакцины клиник тандалтаар мэдээлэгдсэн гаж нөлөөнд дараах зүйлс орно:

- Тариа хийсэн хэсгийн урвалууд: тариа хийлгэсэн гарын тунгалгийн булчирхай өвдөх, хөндүүрлэх, хавдах эсвэл цавь хавдах (хатуурах), улайх
- Ерөнхий гаж нөлөөнүүд: ядрах, толгой өвдөх, булчин өвдөх, үе мөч өвдөх, жихүүдэс хүрэх, дотор муухайрах, бөөлжих, халуурах, цочромтгой болох/уйлах, нойрмоглох, хоолны дуршил буурах

Вакцин хэрэглэх зөвшөөрөл авсны дараа доорх сөрөг нөлөө мэдэгдсэн:

- Хүнд хэлбэрийн харшлын урвал
- Чонон хөрвөс (загатнах тууралт/гүвдрүү)
- Миокардит (зүрхний булчингийн үрэвсэл)
- Перикардит (зүрхний гадна талын салст бүрхэвчийн үрэвсэл)
- Вакцин хийлгэсэнтэй холбоотойгоор ухаан алдах

Эдгээр нь бүх боломжит гаж нөлөө биш байж магадгүй юм. Ноцтой ба гэнэтийн сөрөг нөлөө үүсэж болзошгүй. Боломжит сөрөг нөлөөг судалж байгаа хэвээр байна.

СӨРӨГ НӨЛӨӨ ҮҮССЭН ТОХИОЛДОЛД БИ ЮУ ХИЙХ ХЭРЭГТЭЙ ВЭ?

Хэрвээ танд болон таны хүүхдэд хүнд хэлбэрийн харшлын урвал илэрвэл 9-1-1 утас руу залгах эсвэл хамгийн ойрын эмнэлэгт хандана уу.

Хэрэв таны болон хүүхдэд тань илэрсэн сөрөг нөлөө арилахгүй хэвээр байвал вакцины үйлчилгээ үзүүлэгч эсвэл хүүхдийнхээ эрүүл мэндийн үйлчилгээ үзүүлэгчтэйгээ холбогдоно уу.

Вакцины гадны нөлөөг FDA/CDC Вакцины Сөрөг Нөлөө Мэдээллэх Тогтолцоонд (VAERS) мэдээллэнэ үү. BCHMC-ийн 1-800-822-7967 үнэгүй утасны дугаар эсвэл <https://vaers.hhs.gov/reportevent.html> вебсайтад онлайн горимд мэдээлнэ үү. Анкетын 18-р хэсгийн эхний мөрөнд "Модерна КОВИД-19, Бивалент вакцины ЯХЗ" гэж оруулна уу.

Түүнчлэн та сөрөг нөлөөний талаар 1-866-MODERNA (1-866-663- 3762) утсаар ModernaTX, Inc-д мэдээлж болно.

Мөн та **v-safe** системд бүртгүүлэх боломжтой. **V-safe** бол КОВИД-19 вакцины болзошгүй сөрөг нөлөөг тодорхойлохын тулд вакцин хийлгэсэн хүмүүсийг хянах зорилгоор текст мессеж, вебсайтын судалгаа ашигладаг, дурын ухаалаг гар утсанд суурилуулсан хэрэгсэл юм. **V-safe** систем ХӨХУСТ-ийн КОВИД-19 вакцины аюулгүй байдлыг хянахад туслах асуултууд асуудаг. **V-safe** системээс КОВИД-19 вакцин хийлгэсний дараа хамрагдагсдын эрүүл мэндэд ихээр нөлөөлсөн гэж мэдээлсэн тохиолдолд ХӨХУСТ-өөс утсаар шууд хяналт тавьдаг. Хэрхэн бүртгүүлэх талаар дэлгэрэнгүй мэдээлэл авахыг хүсвэл www.cdc.gov/vsafe вебсайтад зочилно уу.

ХЭРВЭЭ БИ ӨӨРТӨӨ БОЛОН ХҮҮХЭДДЭЭ МОДЕРНА КОВИД-19, БИВАЛЕНТ ВАКЦИН ХИЙЛГЭХГҮЙ ГЭЖ ШИЙДСЭН БОЛ ЯАХ ВЭ?

ЯХЗ-ийн дагуу энэ вакцинд хамрагдах эсвэл татгалзах сонголт хийх боломжтой. Та өөртөө болон хүүхэддээ энэ вакциныг хийлгэхгүй гэж шийдсэн нь таны хүүхдийн эмнэлгээс стандарт тусламж авахад нөлөөлөхгүй.

МОДЕРНА КОВИД-19, БИВАЛЕНТААС ГАДНА КОВИД-19-ӨӨС УРЬДЧИЛАН СЭРГИЙЛЭХ ӨӨР ВАКЦИН БАЙДАГ УУ?

SARS-CoV-2-ийн Омикрон бүрэлдэхүүнийг агуулсан бивалент вакцин зэрэг КОВИД-19-өөс урьдчилан сэргийлэх бусад вакцинуудыг ЯХЗ-ийн хүрээнд хийлгэж болно. СПАЙКВАКС (КОВИД-19 вакцин, мРНХ) болон КОМИРНАТИ (КОВИД-19 вакцин, мРНХ) нь FDA-аас зөвшөөрөгдсөн КОВИД-19 моновалент вакцин юм.

БИ БОЛОН МИНИЙ ХҮҮХЭД МОДЕРНА КОВИД-19, БИВАЛЕНТ ВАКЦИНЫГ БУСАД ВАКЦИНТАЙ НЭГ ЗЭРЭГ ХИЙЛГЭЖ БОЛОХ УУ?

АНУ-ын FDA-д Модерна КОВИД-19 вакциныг бусад вакцинтай нэгэн зэрэг хэрэглэх талаарх мэдээлэл хараахан ирээгүй байна. Хэрэв та өөртөө эсвэл хүүхдэдээ Модерна КОВИД-19, Бивалент вакциныг бусад вакцинтай хамт хийлгэхээр төлөвлөж байгаа бол өөрийн эсвэл хүүхдийнхээ эрүүл мэндийн тусламж үйлчилгээ үзүүлэгчтэй ярилцаарай.

ХЭРЭВ БИ БОЛОН МИНИЙ ХҮҮХЭД ДАРХЛАА СУЛТАЙ БОЛ ЯАХ ВЭ?

Модерна КОВИД-19, Бивалент вакцины нэг ба түүнээс дээш тун тариулсан 6 сараас дээш насны дархлаа султай хүмүүс (дээд хэсгээс **ВАКЦИНЫГ ХЭРХЭН ТАРИХ ВЭ?** гэдгийг харна уу).

Вакцинжуулалт нь дархлаа султай хүмүүст КОВИД-19-ийн бүрэн дархлаа тогтоохгүй байж болзошгүй тул та өөрийгөө болон хүүхдээ КОВИД-19-өөс урьдчилан сэргийлэхийн тулд бодит арга хэмжээг үргэлжлүүлэх хэрэгтэй. Мөн таны ойр дотны хүмүүс зохих ёсоор вакцинжуулалтад хамрагдах хэрэгтэй.

ЖИРЭМСЭН ЭСВЭЛ ХӨХҮҮЛ БОЛ ЯАХ ВЭ?

Хэрэв та жирэмсэн эсвэл хүүхдээ хөхөөр хооллодог бол эрүүл мэндийн үйлчилгээ үзүүлэгчтэйгээ сонголтынхоо тухай ярилцаарай.

ЭНЭ ВАКЦИН НАДАД БОЛОН МИНИЙ ХҮҮХДЭД КОВИД-19 ХАЛДААХ УУ?


Үгүй. Эдгээр вакцин нь SARS-CoV-2-ыг агуулдаггүй тул танд болон таны хүүхдэд КОВИД-19 халдаахгүй.

ВАКЦИНЖУУЛАЛТЫН КАРТАА ХАДГАЛНА УУ

Та болон таны хүүхэд КОВИД-19 вакцины эхний тун хийлгэхэд вакцины карт олгоно. Хэрэв та нэмэлт тунгууд хийлгэх бол картаа авчрахаа мартуузай.

НЭМЭЛТ МЭДЭЭЛЭЛ

Хэрэв танд асууж лавлах зүйл байвал вебсайтад зочлох эсвэл доорх утсаар холбогдоно уу. Хамгийн сүүлийн Мэдээллийн хуудаст нэвтрэхийн тулд доор өгөгдсөн QR кодыг сканердана уу.

Модерна КОВИД-19 вакцины вебсайт	Утасны дугаар
www.modernatx.com/covid19vaccine-eua	1-866-MODERNA (1-866-663-3762)
	

БИ ХЭРХЭН ДЭЛГЭРЭНГҮЙ МЭДЭЭЛЭЛ АВАХ ВЭ?

- Вакцин хийлгэсэн байгууллагаас лавлаж асууна уу
- ХӨХУСТ-д вебсайтад <https://www.cdc.gov/coronavirus/2019-ncov/index.html> холбоосоор нэвтэрнэ үү
- АНУ-ын FDA-ын вебсайтад <https://www.fda.gov/emergency-preparedness-and-response/mcm-legal-regulatory-and-policy-framework/emergency-use-authorization>

холбоосоор нэвтэрнэ үү

- Муж эсвэл орон нутгийнхаа нийгмийн эрүүл мэндийн хэлтэстэй холбогдоно уу

ВАКЦИНЖУУЛАЛТЫН МЭДЭЭЛЭЛ ХААНА ХАДГАЛАГДАХ ВЭ?

Вакцин нийлүүлэгч нь таны болон таны хүүхдийн вакцинжуулалтын мэдээллийг танай муж/орон нутгийн харъяа Дархлаажуулалтын Мэдээллийн Тогтолцоо (IIS) эсвэл бусад тусгай системд оруулна. ДМС-ийн талаарх дэлгэрэнгүй мэдээллийг:

<https://www.cdc.gov/vaccines/programs/iis/about.html> холбоосоор нэвтэрч авна уу.

БИ КОВИД-19 ВАКЦИН ХИЙЛГЭВЭЛ ЗАХИРГААНЫ ТӨЛБӨР ТӨЛӨХ ҮҮ?

Үгүй. Энэ удаа нийлүүлэгч танаас вакцины тунгийн төлбөр авахгүй бөгөөд та зөвхөн КОВИД-19 вакцин хийлгэсэн тохиолдолд вакцин хийлгэсэн болон бусад хураамжийг танаар төлүүлэхгүй. Гэвч вакцин нийлүүлэгчид вакцинд хамрагдсан хүмүүст вакцины захиргааны төлбөрийг аливаа хөтөлбөр, төлөвлөгөөний (хувийн даатгал, Medicare, Medicaid, даатгалгүй вакцин хийлгэгчдэд зориулсан HRSA COVID-19 Uninsured Program) дагуу зохих нөхөн олгох арга зам эрэлхийлнэ.

БИ ЗАЛИЛИНГИЙН СЭЖИГТЭЙ ТОХИОЛДЛЫГ ХААНА МЭДЭЭЛЭХ ВЭ?

ХӨХУСТ-ийн КОВИД-19 Вакцинжуулалтын Хөтөлбөрийг ямар нэгэн байдлаар зөрчсөн тухай мэдээл авсан хүмүүс АНУ-ын Эрүүл мэнд, хүний нөөцийн үйлчилгээний газрын Ерөнхий хянан шалгах хэлтэст 1-800-HHS-TIPS утас эсвэл TIPS.HHS.GOV вебсайтад хандаж мэдээлнэ үү.

ХОХИРЛЫН НӨХӨН ТӨЛБӨРИЙН ХӨТӨЛБӨР ГЭЖ ЮУ ВЭ?

Хохирлын нөхөн төлбөрийн хөтөлбөр (CICP) нь тодорхой эм, вакцин, түүний дотор энэ вакцинаас болж ноцтой хохирсон хүмүүсийн эмчилгээний зардал, бусад тодорхой зардлуудыг нөхөн төлөхөд туслах холбооны хөтөлбөр юм. Ерөнхийдөө вакцин хийлгэснээс нэг (1) жилийн дотор CICP-т өргөдөл гаргах ёстой. Энэхүү хөтөлбөрийн талаар дэлгэрэнгүй мэдээлэл авахыг хүсвэл www.hrsa.gov/cicp/ вебсайт эсвэл 1-855-266-2427 утсаар холбогдоно уу.

ЯАРАЛТАЙ ХЭРЭГЛЭХ ЗӨВШӨӨРӨЛ ГЭЖ ЮУ ВЭ (EUA)?

FDA нь Модерна КОВИД-19, Бивалент вакциныг ЯХЗ гэж нэрлэгддэг яаралтай хэрэглэх механизмын дагуу ашиглах боломжтой болгосон. EUA нь Эрүүл Мэндийн Алба ба Хүний Үйлчилгээ (HHS)-ээс дэмжигддэг ба КОВИД-19 цар тахлын үед биологийн ба эмийн бүтээгдэхүүнүүдийг яаралтай хэрэглэх баталгааг гаргадаг. Яаралтай хэрэглэх зөвшөөрөл авсан бүтээгдэхүүн нь FDA-аас зөвшөөрөгдсөн бүтээгдэхүүнтэй адил төрлийн FDA-н хяналтад хамрагдаагүй.

АНУ-ын ХЭЧХГ нь өөр ямар нэгэн адил төстэй, батлагдсан, боломжит хувилбар байхгүй гэсэн тодорхой шалгуурыг хангасан тохиолдолд ЯХЗ олгоно. Мөн түүнчлэн АНУ-ын ХЭЧХГ-ын шийдвэр уг бүтээгдэхүүн КОВИД-19 цар тахлын үеэр КОВИД-19-өөс сэргийлэхэд үр дүнтэй, мөн тухайн бүтээгдэхүүний мэдэгдэж байгаа болон боломжит үр дүн нь мэдэгдэж байгаа болон болзошгүй эрсдэлээс илүү их нөлөөтэй гэдгийг шинжлэх ухааны бүх нотолгоонд үндэслэсэн байна. Бүтээгдэхүүнийг ЯХЗ-ийн дагуу КОВИД-19 цар тахлын үед ашиглахын тулд эдгээр бүх шалгуурыг хангасан байх ёстой.

ЯХЗ нь бүтээгдэхүүнийг цуцлах эсвэл хүчингүй болгохоос бусад тохиолдолд (үүний дараа бүтээгдэхүүнийг цаашид ашиглахгүй) яаралтай хэрэглэхийг зөвшөөрсөн КОВИД-19-ийн ЯХЗ-ийн мэдэгдлийн хугацаанд хүчин төгөлдөр байна.

Moderna US, Inc. Princeton, NJ 08540

©2023 ModernaTX, Inc. Бүх эрх хамгаалагдсан.

Патент(ууд): www.modernatx.com/patents

Хянасан: 2023/04/17



Энэхүү Мэдээллийн Хуудсыг вакцинд хамарсан
хүмүүсийн эрүүл мэндийн цахим
бүртгэл/дархлаажуулалтын мэдээллийн тогтолцоонд
оруулсныг батлахаар скан хийж үзнэ үү.

ББГДТ: 0886983000592